

UNTUK SIARAN SEGERA

1 OKTOBER 2018

PERSIDANGAN ANTARABANGSA PLATFORM UNTUK MENINGKATKAN STRATEGI PENGURUSAN DAN PEMULIHARAAN WARISAN BUDAYA BANDAR

GEORGE TOWN: Sempena sambutan ulang tahun ke-10 George Town dan Melaka mendapat pengiktirafan secara bersama sebagai Tapak Warisan Dunia UNESCO, George Town World Heritage Incorporated (GTWHI) telah menganjurkan Persidangan Antarabangsa mengenai Pengurusan Warisan Budaya Bandar 2018 pada 1 - 4 Oktober 2018 di Bayview Hotel Georgetown, Pulau Pinang. Persidangan ini dianjurkan dengan sokongan oleh Kerajaan Negeri Pulau Pinang serta jalinan kerjasama dengan Suruhanjaya Kebangsaan UNESCO Malaysia dan Yayasan Jepun di Kuala Lumpur.

Persidangan ini telah menjemput sebanyak 37 penceramah dan moderator dari 15 negara untuk berkongsi tentang usaha pengurusan warisan bandar, berbincang mengenai pendekatan pengurusan dan strategi yang inovatif di samping melibatkan lebih daripada 100 orang peserta dalam perbincangan secara konstruktif terhadap cabaran dan peluang yang wujud dalam pengurusan warisan budaya bandar.

Dr Ang Ming Chee, Pengurus Besar GTWHI berkata, tajuk yang akan dibincangkan dalam persidangan ini berkaitan rapat dengan bandar George Town, antaranya termasuklah arkeologi di bandar, globalisasi dan pelancongan mampan, pengurangan risiko bencana (DRR), pendidikan terhadap warisan budaya, pemuliharaan objek dan koleksi, dokumentasi, pemberian nafas baru terhadap warisan bandar dan mobilisasi atas talian dalam pengurusan warisan.

“Kita mengharapkan pertukaran dan perkongsian idea sesama peserta sepanjang tempoh persidangan untuk mencerminkan perkembangan dan kemajuan George Town yang dicapai dalam 10 tahun yang lalu. Selain itu, persidangan antarabangsa ini juga boleh diambil kira sebagai pemangkin kolaborasi antarabangsa dan jaringan hubungan antara satu sama lain. Melalui persidangan ini, peserta-peserta dapat mempelajari usaha-usaha pengurusan warisan bandar serta pemuliharaan, perkembangan dan pendidikan yang dijalankan oleh tapak-tapak warisan di negara lain.

“Kita juga akan mengukuhkan kerjasama dan hubungan sedia ada, contohnya pejabat UNESCO, Pusat Informasi dan Rangkaian Antarabangsa untuk Warisan Budaya Tidak Ketara di Wilayah Asia-Pasifik di bawah UNESCO (ICHCAP), Institusi Pengurangan Risiko Bencana bagi Warisan Budaya Bandar di Universiti Ritsumeikan (R-DMUCH) dan Artlab Australia serta meluaskan kerjasama dengan pengurus tapak warisan di kawasan Asia Pasifik,” beliau berkata.

YAB Tuan Chow Kon Yeow, Ketua Menteri Negeri Pulau Pinang telah merasmikan persidangan antarabangsa ini pada hari Isnin, 1 Oktober 2018 bersama dengan ahli-ahli pengarah GTWHI.

Penceramah utama bagi persidangan ini terdiri daripada Dr Rohit Jigyasu, Profesor dari Institut Pengurangan Risiko Bencana bagi Bandar Warisan Budaya UNESCO, Universiti Ritsumeikan, Jepun dan Datuk Dr Zainah Ibrahim, Pesuruhjaya Warisan, Jabatan Warisan Negara.

Peserta persidangan juga dibawa menjelajahi Tapak Warisan Dunia George Town dengan melakukan lawatan tapak ke Kota Cornwallis, jeti-jeti klan, Jalan Harmoni dan pasar tempatan.

Untuk maklumat lanjut mengenai persidangan, sila melayari gtwhi.com.my/gt10/much/.

/tamat

Perhubungan Media:

Josephine Jalleh
Pengurus Bahagian Komunikasi dan Kolaborasi
George Town World Heritage Incorporated
T: 04-261 6606 / 017-446 5366
E: josephine@gtwhi.com.my